



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Ioannis Berchmanni Flandro-Belgæ Religiosi Societatis Iesv

Cepari, Virgilio

Antverpiæ, 1630

Silentij lex quomodo ab eo seruata.

[urn:nbn:de:hbz:466:1-46083](https://nbn-resolving.org/urn:nbn:de:hbz:466:1-46083)

*Amans
obedientiæ.*

quæ Dei gratia est, bestiam illam non pertimesco. Obedientiæ virtutem amabat vnicè, eoque nomine S. Ignatium magis etiam diligebat, quòd tam præstantem de eâ Epistolam conscripisset: censebatq; in rebus minimis studio maximo obediri debere, quòd intelligerent Superiores, quanto in pretio mandata sua haberentur; quoniam vbi res minimæ accuratè absoluteque seruentur, ibi res magnas haud dubiè maiori quoque curâ administrari. Aiebat, absolutam illam beati Aloysij in minimis etiam rebus obeundis obsequentiam, non timore aliquo culpæ aut poenæ natam, sed desiderio ipsius virtutis.

*Obediendū
non timore,
sed amore
virtutis.*

*Re ipsâ
ostendit,
quo modo
obediendū
esse existi-
maret.*

Loquebatur aliquando, factâ sibi potestate, cum externo intra Collegij limen, quando alius ad eum quoque alloquendum superuenit: huic apertè Ioannes necessarium esse respondit, prius à Rectore facultatem colloquendi petere; eaque impetratâ, se, vti fecit, ad colloquium esse reuersurum. Si quando tyrocini tempore ægrè se habere sensisset, tamen obediendi studio, ad consuetam surgendi horam, manè se lectulo eripiebat; mox, copiâ à Superiore factâ, si opus foret, in lectulum reuersurus. Interrogante quodam, quâ ratione silentij lex perfectè seruari posset; Ego, ait, hac ratione facio: Summisè saluto si quem per viam offendo: tum si quid

*Silentij lex
quomodo
ab eo ser-
uata.*

quid me vult, paratissimum offero; si quid interrogat, interrogatum audio, verbulo vni-
co respondeo, & vel alterum superuacaneum
adiocere caueo. Assueuerat eorum, qui ob- *Consuetu-*
uiam sibi fiebant, Angelos custodes salutare, *do salutandi*
aut etiam Deum pro eis orare; interque præ- *di Angelos*
tereundum defunctus salutandi officio, spatij *occurrer-*
aliquantum se inter & occurrentem relin- *tium.*
quere honoris causâ.

Per omnem vitam nihil vniquam in eo *Admiranda*
notatum aut gestu solutius, aut signis lasciu- *castitas.*
uius, aut verbo actiue contrarium puritati:
cumque esset ingenio alioqui iucundo ac
blando, hîc semper seuerissimus extitit. At-
que vt gratiâ comitateque alliciebat omnes, ita
singulari morum verecundiâ, castitatis amo-
rem in animis intuentium excitabat: vide-
banturque ab oculis eius quidam quasi radij
vibrari, quibus aspicientes ad castimoniam
accendebat. Sui ipsius verò custodem egit *Seuera sui*
circumspectione ac seueritate tantâ, vt quem *custodia.*
lecti locum, corporisque situm, in decum-
bendo, vesperi semel fuisset fortitus, eundem
absque omni motu, seu frigus seu æstus esset,
in auroram vsque tenuisse deprehenderetur.
quem morem reliquo vitæ cursu constantis-
simè obseruauit. Priusquam in lecto se com- *Religiosè*
poneret, diuersas lecti partes his illisque San- *ad somnum*
ctis protectoribus suis assignabat. Inter hos *se compo-*
nit.
medium